

«ԱՐԴՇԻՆԲԱՆԿ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ



Ardshinbank

**ԵՐԱՇԽԱՎՈՐՆԵՐԻ ՀԵՏ ԳՈՐԾԱՐԱՐ ՎԱՐՎԵԼԱԿԵՐՊԻ
ԿԱՆՈՆՆԵՐ**

ԵՐԵՎԱՆ – 2017



PR 120.75-25-02	Էջ՝ 2 / 3
Երաշխավորների հետ գործարար վարվելակերպի կանոններ	Խմբագրություն՝ 01
	Ուժի մեջ է՝ 06.09.2017թ.

1 ՆՊԱՏԱԿ

Սույն կանոնների նպատակն է սահմանել «Արդշինբանկ» ՓԲԸ երաշխավորների հետ գործարար վարվելակերպի կանոնները:

2 ԿԻՐԱՌՄԱՆ, ՏԱՐԱԾՄԱՆ ԵՎ ՊԱՏԱՍԽԱՆԱՏՎՈՒԹՅԱՆ ՇՐՋԱՆԱԿՆԵՐԸ

2.1. Սույն կանոններով սահմանված պահանջները կիրառվում են Բանկի համապատասխան կառուցվածքային և տարածքային ստորաբաժանումներում ընդգրկված աշխատողների կողմից:

3 ԱՌՆՉՎՈՂ ՆԵՐՔԻՆ ԻՐԱՎԱԿԱՆ ԱԿՏԵՐ

4 ՍԱՀՄԱՆՈՒՄՆԵՐ ԵՎ ՀԱՊԱՎՈՒՄՆԵՐ

«**Բանկ**»՝ «Արդշինբանկ» ՓԲԸ,

«Սպասարկող մասնագետ»՝ Բանկի Մասնաճյուղի կամ Հաճախորդների սպասարկման վարչության աշխատակից,

«**հաճախորդ**»՝ վարկ ստանալու նպատակով Բանկ դիմած ֆիզիկական անձ, իրավաբանական անձ կամ անհատ ձեռնարկատեր,

«**վարկառու**»՝ Բանկից վարկ ստացած հաճախորդ,

«**երաշխավոր**»՝ ֆիզիկական կամ իրավաբանական անձ, որը երաշխավորության պայմանագրով Բանկի առջև պարտավորվում է պատասխանատվություն կրել վարկառուի կողմից իր պարտավորությունների չկատարման դեպքում,

5 ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ

6 ՀԱՎԵԼՎԱԾՆԵՐ

7 ՆԿԱՐԱԳՐՈՒԹՅՈՒՆ

8 Սպասարկող մասնագետը երաշխավորության և երաշխավորությամբ ապահովված պարտավորության վերաբերյալ այլ պայմանագիր (վարկային կամ այլ պրոդուկտի վերաբերյալ պայմանագիր) կնքելուց առաջ երաշխավորին ծանոթացնում է երաշխավորության և երաշխավորությամբ ապահովված պարտավորության պայմանագրերի էական պայմաններին, վարկառուի (համավարկառուի, պարտապանի) կողմից իր պարտականությունը չկատարելու դեպքում երաշխավորի վարկային պատմության վատթարացման, երաշխավորի պարտավորության, դրա չափի, երաշխավորի վերաբերյալ վարկային ռեգիստր և վարկային բյուրո տեղեկատվության տրամադրման և վեճերի լուծման մեխանիզմների վերաբերյալ:

9 Սպասարկող մասնագետը երաշխավորին տրամադրում է երաշխավորության և երաշխավորությամբ ապահովված պարտավորության պայմանագրերի (վարկի մարման ժամանակացույցի առկայության դեպքում նաև վարկի մարման ժամանակացույցի) մեկական օրինակ: Ընդ որում, երաշխավորության պայմանագիր կնքելու առաջարկ-դիմումի դեպքում նշված դիմումը ստորագրելուց հետո Սպասարկող մասնագետը տրամադրում է վարկային պայմանագիր կնքելու առաջարկ-դիմումի մեկական օրինակ, իսկ վարկի մարման ժամանակացույցի առկայության դեպքում այն ուղարկվում է երաշխավորին՝ վերջինիս ընտրած հաղորդակցման եղանակով: Երաշխավորության պայմանագրի և երաշխավորության պայմանագիր կնքելու առաջարկ-դիմումի ստորագրման հետ միաժամանակ երաշխավորը որպես առանձին փաստաթուղթ ստորագրում է Երաշխավորության տրամադրման հաստատումը, որտեղ հավաստում է, որ ծանոթացել է սույն կանոններին Բանկի պաշտոնական կայքէջից:



PR 120.75-25-02	Էջ՝ 3 / 3
Երաշխավորների հետ գործարար վարվելակերպի կանոններ	Խմբագրություն՝ 01
	Ուժի մեջ է՝ 06.09.2017թ.

10 Բանկը երաշխավորի պահանջով երաշխավորությամբ ծագող հարաբերությունների ամբողջ ընթացքում տրամադրում է նրան վարկի (պարտավորության) մնացորդի վերաբերյալ տեղեկատվություն:

11 Բանկը երաշխավորի հետ հաղորդակցվում է հետևյալ կարգով՝

11.1 Երաշխավորի հետ հաղորդակցումը կատարվում է գրավոր ձևով,

11.2 Բանկը երաշխավորին տրամադրում է հաղորդակցման առնվազն երեք եղանակի ընտրության հնարավորություն և բացատրում ընտրված միջոցով հաղորդակցման էությունը,

11.3 Վարկառուի՝ մարման ժամանակացույցով սահմանված պարտավորության կատարման օրից առնվազն 1 օր առաջ Բանկը երաշխավորին ծանուցում է մարման ենթակա պարտավորության առկայության մասին,

11.4 Բանկը երաշխավորին ծանուցում է երաշխավորության և երաշխավորությամբ ապահովված պարտավորության պայմանագրերի պայմանների էական փոփոխությունների (տոկոսադրույք, միջնորդավճար, տույժ, տուգանք, ժամկետ, վարկի չափ (միայն լրացուցիչ վարկավորման դեպքում)) մասին դրանց ուժի մեջ մտնելուց յոթ օր առաջ,

11.5 Բանկը երաշխավորին ծանուցում է նաև երաշխավորությամբ ապահովված պարտավորության պայմանագրի դադարեցման մասին դրա դադարեցումից հետո 7 աշխատանքային օրվա ընթացքում,

11.6 Պարտապանի կողմից պայմանագրով նախատեսված պարտավորության կետանցի դեպքում Բանկը երաշխավորին տեղեկացնում է այդ մասին ոչ ուշ, քան կետանցի հաջորդ օրը՝ նշելով ընդհանուր պարտավորության չափը և դրա բացվածքը՝ առանձին պարտավորության մայր գումարը, պարտավորության մնացորդը, տոկոսները, տույժերը, տուգանքները (առկայության դեպքում):